



Broj: 01-23-9-1070/19-7  
Datum: 5.2.2020. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Travnik (“Službene novine Općine Travnik”, broj 11/05 - Prečišćeni tekst), a u vezi s preporukom Komisije za javne nabavke broj: 01-23-9-1070/19-6 od 5.2.2020. godine, načelnik Općine Travnik, **d o n o s i**

## **R J E Š E N J E**

### **o izboru najpovoljnijeg ponuđača za dodjelu okvirnog sporazuma putem konkurentskog zahtjeva za dostavljanje ponuda**

1. U otvorenom postupku nabavke usluga, kojim je predviđeno zaključivanje okvirnog sporazuma za javnu nabavku usluga - „Održavanje javne rasvjete na području općine Travnik u 2020. godini“, bez podjele na lotove, objavljene na Portalu javnih nabavki pod brojem: 54-1-2-211-3-125/19 od dana 27.12.2019. godine, prihvata se preporuka Komisije iz zapisnika o ocjeni ponuda - broj predmeta: 01-23-9-1070/19 od 19.12.2019. godine, te se Okvirni sporazum dodjeljuje ponuđaču GPPD „Vlašić – Gradnja“ d.o.o. Travnik čija ukupna vrijednost ponude bez uračunatog PDV-a iznosi 51.271,50 KM.
2. Po okončanju roka za žalbu ugovorni organ će sa izabranim ponuđačem zaključiti Okvirni sporazum o nabavci usluga na period trajanja od 1 (jedne) godine, kojim će regulisati međusobna prava i obaveze vezano za predmetnu javnu nabavku, shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.
3. Nakon sklapanja okvirnog sporazuma sa pomenutim ponuđačem će se zaključivati pojedinačni ugovori, koji će se realizovati prema jediničnim cijenama datim u ponudi izabranog najpovoljnijeg ponuđača.
4. Izabrani ponuđač je dužan u roku od 5 (pet) dana od dana zaprimanja ovog Rješenja, na adresu Općine Travnik, Konatur bb 72270 Travnik, dostaviti originale ili ovjerene kopije dokaza traženih tenderskom dokumentacijom ne starije od 3 (tri) mjeseca od dana predaje ponude, u skladu sa Izjavom ponuđača, s tim da datum izdavanja dokumenata ne smije biti nakon datuma podnošenja ponude.
5. Za izvršenje ovog Rješenja i praćenje realizacije okvirnog sporazuma/ugovora zadužuje se Služba za zajedničke i komunalne poslove
6. Ovo Rješenje objavit će se na web-stranici Općine Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.
- (1) Ovo Rješenje stupa na snagu danom donošenja i dostavlja se ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama, zajedno sa Zapisnikom o ocjeni ponuda u skladu sa članom 65. stav (2) Zakona o javnim nabavkama.

## **O b r a z l o ž e n j e**

Postupak javne nabavke usluga – „Održavanje javne rasvjete na području općine Travnik u 2020. godini“, bez podjele na lotove pokrenut je Rješenjem o pokretanju postupka javne nabavke broj 01-23-9-1070/19 od 19.12.2019. godine. Javna nabavka je provedena putem otvorenog postupka.

Postupak je objavljen u Informacionom sistemu „E-nabavke“ Agencije za javne nabavke BiH, broj obavještenja: 54-1-2-211-3-125/19 od dana 27.12.2019. godine i u „Službenom glasniku BiH“ broj 86/19. Procijenjena vrijednost javne nabavke (okvirnog sporazuma) iznosi 51.282,00 KM bez PDV-a.

Rok za dostavljanje ponuda u skladu sa tenderskom dokumentacijom bio je 17.1.2020. godine do 11:00 sati.

Komisija za javnu nabavku imenovana je Rješenjem broj: 01-34-16-589/19 od 29.7.2019. godine te je shodno članu 63. Zakona o javnim nabavkama BiH, izvršila javno otvaranje u roku dostavljenih ponuda. Javnom otvaranju ponuda su prisustvovali ovlašteni predstavnici ponuđača „Vlašić – Gradnja“ d.o.o. Travnik i sor „Elka“ Travnik, a Zapisnik o otvaranju ponuda ponuđačima je prosljeđen putem faksa u zakonskom roku.

Komisija je shodno članu 65. Zakona o javnim nabavkama („Službeni glasnik BiH“ broj 39/14) pristupila pregledu i ocjeni ponuda, te je nakon toga ugovorni organ donio Rješenje o izboru najpovoljnijeg ponuđača broj 01-23-9-1070/19-4 od 28.1.2020. godine kojim se ugovor/okvirni sporazum za usluge održavanja javne rasvjete na području općine Travnik dodijelio ponuđaču „VLAŠIĆ - GRADNJA“ d.o.o. Travnik.

Ponuđač „VLAŠIĆ - GRADNJA“ d.o.o. Travnik je u zakonom predviđenom roku, na predmetno Rješenje uložio žalbu.

Nakon uložene žalbe, ugovorni organ je pristupio rješavanju po žalbi, te donio Rješenje broj 01-23-9-1070/19-6 od 5.2.2020. godine, kojim se žalba usvaja, a Zapisnik o pregledu i ocjeni ponuda broj: 01-23-9-1070/19 od 27.1.2020. godine i Rješenje o izboru najpovoljnijeg ponuđača broj: 01-23-9-1070/19-4 od 28.1.2020. godine stavljaju van snage.

Komisija je prema članu 65. Zakona o javnim nabavkama pristupila ponovnom pregledu i ocjeni ponuda, što je evidentirano u Zapisniku o ponovnom pregledu i ocjeni ponuda koji je sastavni dio ovog Rješenja.

Shodno prijedlogu i preporuci Komisije, ugovor/okvirni sporazum za nabavku usluga - „usluge održavanja javne rasvjete na području općine Travnik“ dodjeljuje se ponuđaču „VLAŠIĆ – GRADNJA“ d.o.o. Travnik, čija ukupna vrijednost ponude iznosi 51.271,50 KM bez uračunatog PDV-a, odnosno 59.987,66 KM sa uključenim PDV-om.

#### POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od 10 (deset) dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

#### DOSTAVITI:

1. Ponuđačima
2. Arhiva.

**N A Č E L N I K**

**Admir Hadžiemrić, dipl. ecc.**